




علیرضا ذیحق

قرآن ناغیل لاری :

آدم حوآنین داستان

آدم یئره هبوط ائتمه دن اول ، یئددی مین ایل ایدی کی یئر اوزون ده ملک لر ، اینس لر و جین لر تانری نین مرحمتی و لطفو ایله حیات سوروردولر . آنجاق جین لر واینس لر دوستجا و قارداش جا یاشامادان ، مین لر چیرکین ، پیس و

گونه ایش لره قاریشاراق ، طاماح لاري و کین لري نن سئوگي ني اونودوب
ملک لرين حياتيني دا تهلوكه يه ساليب اونلار لا ساواشا باشلاميشديلار .
تانري بير گون گوي اوزه رين ده کي آن مقدس ملاکه لره کي گئجه
گوندوزلري اونون نييايشي له کئچيردي امر ائتي عرش دن يئراوزونه نظر
ساليب گوره لر کي اونون بويوک قودرتي له ياشام تاپان بو يارانيش لار ، نئجه
ايبيرنج بير لجنه بولاشيب لار .

ملاکه لر آشاغايا باخارکن ، يئر اوزوني قان گولو گوروب معصوم ملک لري جين
لر جايناغيندا اسير حيس ائديلر. جيناييت ، يالان ، اوغورلوق ، هوس و
دويمادان ثروت داليجا حقّي ناحقّ ائله مک اونلارين اوره ييني سيخدي. تانري
بويوردي :

" يئر اوزونه بير خليفه يوللامالي يام و ايراده ائتمی شَم آدمي ياراتماقلا ،
بوتون گوزل حيسّ لر ، دوشونجه و عمل لر يئر اوزونه حاکيم اولار ."
ملک لر ديله گليب " نييه به بيز لر ايچين دن بير خليفه سئچميرسن کي هم
مه شه سني سجده ائتمک ده ييق و هئچ بير گونه بيزدن گورونمه ييب.
قورخوموز اودور کي بو يئني يارانيش و اوندان توره نن لر، اينس لر و جين لر
کيمي يئر اوزونو لکه له يه لرو سنين وارليقيني اونودوب دانماقلا ، سئوگي و
باريش سعادتيني ، يئر اوزو هئچ وخت دادمايا !" ديه رک تانري آدم ين
نسلين دن يارانان مقدس پيغمبرلره و اينسانلارا ايشاره ائتي. جبرئيله امر
اولدو يئر اوزون ده کي آغ ، قارا ، قيرميزي و کول رنگ لي تورپاق لاري ،
آلچاق لاردان و اوجالاردان آزجا ييغيب گتيرمک له دورد جوره سويونان اونلاري
قاتا و پالچيق دوزلده . جبرئيل بولاقلاردان چاغلایان دوم دورو صاف و ايچمه
لي سولاري ، دنيز لرده دالغالانان شور و آجي سولاري ، گندووسويي ايله بير
ليک ده او تورپاق لارا جالاياراق يوموشاق بير پالچيق دوغروتدو .
اولو تانري نين ايراده سي له او زيغ پالچيق دان ايسه "آدم" يوغرولدي. آلاه
تعالا او گون کي جومعه يدي و گون باتان چاغلاري ايدي ، اوز نَفسي له

اونون جيسمینه روح وئره رك آدم حیات تاپدي و ايلك ايشي آسقىراق آلاه
تعالایا شوكر ائتمك اولدي و بو آن دا ، گۆز قاماشدران ايشيق لار گۆي اوزه
ريني و بوتون كائيناتى بورودي. سونرا همان پالچيق دان " حوا " يوغرولوب
روح تاپديقا ، او اۆز گۆزل لي يي و شیرين دانیشیقى ايله آدمي اۆزونه واله
و شئیدا ائتدی. آدم گۆردو حوا سیز یاشایا بیلمه یه جك و تانري نين امري له
آدم ، حواني اۆزونه ساري چكه رك بئله ليك له اونلارين نيكاحي قیلیندی.
تانري بوتون ملك لردن ایسته دي آدمه سجده قیلسين لار كي هامی ملك لر
بوایشی گۆرسه لرده ، ایبلیس سۆزه باخمادی. البته سجده ائتمك تكجه
تانري یا لایق ایدی كي بو آن دا ، تانري ملك لري سیناغا چكمك اوچون بو
ایشی اونلاردان ایسته میشدی . بو آرادا ایبلیس ، امتحان دان چیخا بیلمه
دي و تانري یا خطاب دئدي :

" مني آدمه سجده ائتمك دن معاف قيل كي من سنين بنده لي بين دن و
عیبادتیندن هئچ واخت چکینمه یه یه جه یم و بو اوزدن مني باغیشلا ."
رحمت باغیشلايان و اوجا تانري دا بویوردو :

" سنين بنده لي ين هئچ احتیاجیم یوخدور و بیلدي بين کیمی بوتون وارلیق
لار منیم ایراده م دن آسیلی دیلار !"
ایبلیس اوزوني تانري یا توتوب اونون کرم دریاسیندان و اۆز ائتدی یی ثواب و
عیبادت لردن سؤزآچدی :

" تکجه ایکی رکعت نامازیم دؤرد مین ایل گۆي اوزونده دوام ائده رك تانري
سئوگیسی له آلیشيب یاناراق هم مه شه سجده ده و عیبادت ده اولموشام
وبو اوزدن ده پاداشیمی دیله بیره م . "

تانري بویوردی : " سني بهشت دن آتماغیما هئچ سؤز یوخ دي. آمما یئر
اوزون ده كي فاني دونیاده ، هر نه گۆیلون ایستیرسه دئه كي سن دن
اسیرگه مه یه جه یم . "

ایبلیس ین گۆزلری، تانری نین بو آغیر غضبین دن قان چاناغینا دؤنسه ده
آغلارکن دئدی :

" قیامتہ جان یاشار بیر حیات ایستیره م و اینسانلارین ایلی بینہ ،
سومویونہ و اورہ ک لرینہ گیرمک ایذنی و هابئلہ چئشیدلی قیافہ لرہ
دوشوب اینسانلاری آلداتماق گوجو ."

تانری نین ایسته یی له ایبلیس بو گوج لرہ صاحب اولوب جنت دن
چیخاریلدی و قاوولا – قاوولا آند ایچدی کی یئر اوزونده هامی نی گوناها
سالیب اونلاری مال بیغماغا ، جینایتہ و شهوتہ سورمه یه و حرام ایش لرہ
قاریش دیرماغا چالیشا ! هم ده اگر صالح ، مقدس و پاک اینسانلارین
قلبینده ، اؤزونه یئر آچانما سادا باشقا جیلید لرہ گریب اونلاری دا عذابا و
مصیبتہ سالا ."

اولو تانری کی آدمی یاراتمیشدی یئرده اؤزونه خلیفه ائده ، ایبلیسین شریندن
اوزاق قالسین دییه ، آدم و حوایہ جنت ده یاشاماق ایمکانی یاراتدی و
اونلاری گوناہ ایشله مه دن یئرہ گؤنده رمک ایسته مه دی. تکجه ایسته یی
ده بو اولدی :

" گؤستردي بیم بو آغا جا هئچ واخت یاخین لاشمایین و اونون میوه لرینی
دادمایین تا همیشه لیک جنت آیاق لاری نیزین آلتیندا اول . باشقا هر نه وارسا
آما سیزه عایید دیر. "

آغاجین اؤزل لی یی ده دونیانین بوتون میوه لرینی و بیتگی لرینی
یئتیشدیرمک گوجونه صاحب اولماغی ایدی. او بوغدا ، انجیر ، اوزوم ، آما و
مین لر میوه و گؤیه رنتی نین قاینای ایدی کی هر نه ایراده ائتسه یدین آل
اوزاداراق اوووج دا اولوردی.

ایبلیس ین اوخو داشا دیب آدم حوانین جنت ده یاشامالاری ، اونون آمالی
نین پوچا چیخماسی کیمی بیر زاد ایدی. اونا گؤره ده فیکره دوشوب اونلاری
آلداتماق و وسوسه ائتمک قرارینا گلدی. او یئرده ، گؤی ده و جنتین اطرافیندا

ديدرگين حالدا دولاشاراق جَنته يول تاپماغ اوچون بوتون ملاكه لره و وارليق لارا اوز سالسادا سؤزو يئره دوشدو.

نهايت ده بير ايلان اونون فعليه اويوب ايبليسي آغزندا گيزله ده رك جَنته آپاردى.

ايبليس ايلان قيليغيندا آدمه دئدى :

" گلمي شه م موشتولوغا كي بوندان بئله ، تانري او آغاجين بوتون نعمت لريني سيزه حلال ائديب دي !"

آدم بو سؤزاره اويمادان ايلان دان اوزاقلاشدي و ايبليس ين تكجه چاره سي حوآني آلداتماق اولدي. ايبليس حوآني گؤروب اونا ياخين لاشديقدا دئدى :
"گلمي شَم سَنه بشارت وئر ه م . آدم نن اؤنجه ده سَنه . نيبه كي اكر آدم ين سن دن تئز بو ايش دن خبري اولسا ، او سن دن اؤنجه گئديب او مقدس آغاجين ميولرين دن ييه جك كي دونيا دوردوقجا اونون ديلي هم مه شه سَنه اوزون اولسون . بشارت ده بودور كي آلايه تعالا او آغاجين نعمت لريني بو گون دن بئله سيزه حلال ائديب دي. "

حوآ سئوينجين دن و او فيكرين له كي هم مه شه سؤز اونون اولاي، گئدير او آغاجا ساري و ملك لر قاباغيني آلسا لاردا ، تانري نين ايسته يي اوزره اونان ايش لري اولمور تا او ، اؤز دوشونجه سي و ايراده سي له تصميم توتا.
حوآ ، آدمي ده گؤزل ليك جاذيبه لري له آلداداراق ، اونودا اؤزوله بيرليك ده او آغاجين ميوه سيني يئمه يه دعوت ائتدي.

آدم حوا بير آلمانا دريب هره سي اوندان بير ديش ييبه رك بؤيوك تانري اونلارا ظاهر اولوب گوناها باتديق لاريندان سؤز آچاراق ايراده سين دن دانيشدي و اونلارين يئره هبوط ائتمه لرinden. آنجاق آدم بو جور آسانليق لا ايبليسه اويدوق لاريندي گؤره رك تانري دان بير نچه ديله يي اولدو :

" ايبليس بئله بير گوجه صاحب اولاراق بيزه ده باشقا بير مرحمت لر عنايت ائتمه لي سن كي بيزيم ده بير داها ، جَنته قايتماق ايمكاني ميز اولاي. "

تانري بويوردو :

" سنه و بوتون صالح و فاني اينسانلارا كي سن له حوانين سو يوندان عمله گله جك لر ، يئني دن جنته قاووشماق موژده سي وئره رك ، سيزين هر گوناھيزي بير گوناھ حسابلاركن هر ثواب ايش لريزه اون برابر پاداش وئره جه يم . "

آدم تانري دان داھا آرتيق مرحمت ديله رك تانري نين ايراده سي له توبه قاپيسي اوٰله نه جان اينسانلارين اوزونه آچيق قويولدي و اونون رياضسي اوچون چالیشانلارا ، هم مه شه جبران ائتمك فورصتي وئريلدي. بو معصيت اوزره آدم حوا دا، ايليس وایلان لا بير ليك ده يئر كوره سینه سورگون اولدولار . آما بو آرادا آدم ين اوزو قاپ قارا اولراق حواني وحشت گؤتوردو . ائله اولدي كي ملاكه لرده آغلايب تانري دان آدمه مرحمت ديله ديلر.

تانري آدمه رحم ائده رك امر ائتي اوگونون صاباحي سي كي آيين اون اوچو ידי اوروج توتسون . آدم ده آيين اون اوچو سهل ايدي ايكي گون سوراني دا كي او گنجه لر ي آيين ايشيقلقي هامی گونلردن چوخ اولار اوروج توتدي. بئله ليك له آدم ين اوزو آغا چيخيب قره لکه لر اوزون دن سيليندي و جنت دن وئريلن يارپاقلارلا ، اونان حوا هر ايکيسي ده ناموس لارين ي اؤرتدو لر . هابئله اونلارا اکينچي ليك و حئيواندارليق ين بيليگي ده اؤيره نيله رك ، ياشايش ين آجي و شيرين لري نن باش باشا قالديلار . آدم حوا آلاھ تعالایا سجده ائديب شوکر ائتمك له بوتون آرزولاري اؤزلريني شيطان دان قوروماق ايدي.

آدم حوانين ايلك ائولاد لاري بير قيز اولراق آدي " عناق " ايدي كي ايليس ين حيله لرينه آلداناراق جين لر له آل بير اولوب اولمايان فساد و چيرکين ليك لردن چيخدي و آخيردا تانري نين غضبي له بير بيرتيجي قورد ، اونو ديده رك يئدي اوددي .

آدم حوا تانري يا يالوارارق " قابيل " آديندا بير اوغول لاري اولدي كي بلوغ ياشينا چاتديقدا جين لر نسلين دن اولان " جهانه " آدلي بير قيزلا وصلت ائتيدي. قابيل دن سونرا قارداشي "هابيل" آنادان اولدي كي اودا گنج ليك ده جنت حوري لري نين بيرى نى كي آدي "نزه" يدي ائولن دي. هابيل ين بيليك لي و تانري يا اولدوغو اينانجي اوزره ، اوجا و بؤيوك آلاهيىن امري نى قرار اولدو كي آدم، اؤزون نى سورا هابيلي پيغمبر لي يه سئچه كي ايبليس ، بو سؤزو قابيله خبر وئره رك ، قابيل ده دوردي آتاسينا قارشي اعتراضا .

آدم ايلاهي ايلهام لاراساسيندا دوشونه رك هابيل له قابيلي يانينا چاغيريب دئدي :

" هر ايكي نيزاؤز وار دؤولتي نيزدن تانري اوچون بير تۇحفه سئچين كي هر هانسي نيزي آلايه تعالىا پيغمبر لي يه سئچسه، يوللاديغي نورلا اوهديه ني كايناتا آپارا چاق دير. "

قابيل كي گؤزو دار و دونيا مالينا واله بير ي ايدي و ايشي اكينچي ليك ، اؤز بدطينت لي يي و خيستتي له آل ده ائتيدي يي تاخيل لارين آن درده ديمزيني آييريپ تانري يا تقديم ائتمك قرارينا گلدي . هابيل ده كي يئر اوزونده مال حثيوان بسله مك له چاليشيردي سوروسون دن آن گؤزل و پروار بير قوچ آييريپ تانري يا هديه وئرمك قرارينا گلدي. بو آن دا گؤي اوزه رين دن يئرله ساچيلان ايشيقلار گليب قوچو سئچه رك اونو گؤي لره گؤتوردو و بئله ليك له قابيلين سؤز يئري سي هئچ قالمادي.

ايبليس آما يئنه راحت دورماييب حسد ، كين و نيفرت دويغولاري له قابيلين اوره بينه يول تاپيپ دئدي :

" قارداشيني اؤلدوروب آرادان آپارماسان سنين نسلين دن تۇره نى ائولاد لارين باشي همه مه شه ليك آشاغي اولاجاق و هابيل ين نژادي دونيا واركن سنين ائولاد لاران حاكيم اولاجاق . "

قابیل ، وسوسه اولاراق هابیل ین باشینی داش لار لا آزیب اؤلدوررکن دوز ائله او لحظه اونون خانیمي " نزله " ده بیر اوغلان دوغور کي سونرالار آدم اونا دا " هابیل " آدی وئیر.

قابیل قارداشینی قتلہ یئتیردیك ده ، گورور کي ایکی قارقا بیر بیر ی نین جانینا دوشه رک بیر ی وسط ده اؤلوری و اوییری یئری دئشیب اونی قویلوبوری. قابیل بونو گوردوک ده اودا قارداشی هابیلی تورپاق دا دفن ائتمه یه باشلیر.

آدم ، قابیل دن هابیلی سوروشاراق اونون یالان سؤزلیرینه اویمادان دئیر :
" منی گؤتور جینایت یئرینه !"

آدم ، قیرخ گون هابیلہ یاس ساخلاسادا، ائولاد ایتگی سی نین آجی سیندان ، اؤلنه جان اوزی گولمه دی.

ایبلیس یئنہ قابیل دن ال چکمه دی و اونون آلی نن آلاولی بیر تونقال قالادیب اود آلاوی بیرجه تانری یئرینه سیتاییش ائتمه یی یئر اوزون ده دب ائتدیردی.

تانری آدمه " شیث " آدلی دوردونجو بیر ائولاد دا وئیر کي اودا جنت گلین لری نین بیر ی نن کي آدی " ناعمه " یدی ائوله نیری و بو ائولی لی بین میوه سی " حوریه " آدلی بیر قیز اولور کي اودا هابیل ین اوغلونان ازدواج ائدیر. آدم ین اؤلومو یاخین لاشارکن اوزون دن سونرا رسالتی و تانری نین اونا هدیه ائدی یی بوتون ایلاهی بیلگی لری اوغلو شیثه تاپشیراراق دئدی :
" بو سیرری کیمسه یه دئمه کي قارداشین هابیل کیمی سنی ده آرادان آپارار لار. "

آدم ین توپراقی جومعه گونو یوغرولدوغو کیمی 936 ایل دن سونرا اون گون لوک بیر مریض لیک دن سونرا مقدس روحو عرشه ساری قاناد آچیری. حوا دا بیر ایل دن سونرا 15 گونلوک بیر ناخوشلوق کئچیره ر کن دونیاسینی دیشیب آدم ین مزاری یانیندا دفن اولدی.

آدم اوّلوم لحظه لرینده ، تانري نين مَلَك لري جبرئيل ، ميکائيل و عزرائيلي
 باشي اوستون ده گۆره رکن اونلارا اعتراض ائديب دئير :
 " من بيله سي هله منيم 60 ايل عؤمروم دن قاليب دي و بو عجله ندن دي
 بيلميره م . " بو آن دا جبرئيل کئچميشي يادينا سالاراق دئير :
 " بير گون تانري سني پيغمبرلري نن گؤروشدوره رک ، سن داوود حضرت لري
 نه 40 ايل عؤمري آز بيله رک ايسته ميشدين كي 60 ايل سنين عؤمرون دن
 کسيب قويسون اونون عؤمري اوستونه كي ائله بيل بوسؤزو سن ياددان
 چيخار ديب سان !"
 آدم ، اونوتدوغو بو سؤز اوچون باغيش ديله ر کن ، بيرجه تانري نين اونا بئله
 بير اوزون عؤمور وئرمه سي نه خاطر،لاپ او سون لحظه لريني ده آلاها
 شوکر ائتمک له توکه ديب و بيتيرير.

1384

